

近代中國史料叢刊續編第三十三輯
沈雲龍主編

撫 黔 奏 疏

楊雍建編

卷一——卷二

文海出版社有限公司印行

皇帝勅諭都察院右副都御史楊雍建茲命爾巡撫
貴州兼理湖北川東等處地方提督軍務駐劄
貴陽府專理該管地方舉劾文職賢否糧餉刑
名一切民事兼理湖北辰常靖三府州麻陽鎮
箴九永各守備常德辰州沅州九溪永德施州
六衛并改轄平溪清浪偏橋鎮遠四衛永順保
靖二宣尉司施南散毛忠建容美等宣撫司箴
子坪五寨長官司及川東重夔二府烏撒鎮雄
東川烏蒙四府并各衛所西陽平邑等土司及

湖南長沙一府平越府黃平州湄潭龍泉甕安
餘慶四縣并遵義府衛所兩宜宣布德意撫安
人民約束衙門員役使之恪遵法紀毋致作弊
生事擾害兵民操練兵馬脩濬城池詢訪民瘼
禁戢奸頑其掌印都司行堂印都司屯局都司
僉書衛守備守禦所千總衛千總經管錢穀仍
照舊聽爾統轄開懇屯田疏通商稅勘襲土舍
事情綜核楚川協餉所屬地方應徵應免錢糧
皆照戶部題過新定經制遵行曉諭仍細加體

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



察如有司各官朦朧重收借端科派叅奏處治
嚴飭所屬察解逃人凡地方利弊有可蘇息民
困振飭維新者逐件條奏請旨施行地方備儲
之計如常平社倉等事責令有司力行修舉境
內逃丁荒糧責成道府轉行有司從實察該造
冊開報應蠲豁者奏請蠲豁一面曉諭招徠勸
課農種嚴禁濫徵侵占使民人樂業毋容有司
將見存人戶槩派包賠以致重累黎民所屬司
道以下各官果有真心任事廉能著效者卽據

實舉薦如粉飾欺僞貪酷殃民庸懦溺職者不
時叅奏副將以下武職聽爾節制併該管防守
地方勦禦賊寇提調兵馬舉劾武職賢否一切
軍務俱會同總督提督行如有武官騷擾地方
攬害良民縱兵搶掠及隱匿賊情不報等事聽
爾會同總督提督糾叅從重治罪爾仍聽總督
節制勅中開載未盡事宜聽爾詳酌施行年終
將行過事蹟及兵餉錢糧造冊送部察考爾受
茲委任須持廉秉公殫心竭力以副委任如怠

玩廢弛貪黷乖張貽悞地方責有所歸爾其慎
之故諭

康熙十八年四月

日

撫黔奏疏總目

卷之一

康熙十八年三月二十日至康熙十九年十二月初十日止計六十二本

卷之二

康熙十九年十二月初十日至康熙二十年七月二十日止計五十九本

卷之三

康熙二十年七月二十五日至康熙二十一年

五月十七日止計六十一本

卷之四

康熙二十一年五月十七日至康熙二十一年十月初四日止計五十四本

卷之五

康熙二十一年十月初四日至康熙二十一年五月十五日止計五十八本

卷之六

康熙二十二年五月十五日至康熙二十一年

十二月十一日止計五十二本

卷之七

康熙二十二年十二月十一日至康熙二十三年五月二十八日止計五十二本

卷之八

康熙二十三年五月二十八日至康熙二十三年十一月十二日止計五十二本

又附錄一本
并部咨

先高祖少司馬公撫黔奏疏八卷刊板歲久漫漶過半茲重加校勘補刊完善與黃

門奏疏並歲祠墓以示後人道光乙巳春
三月元孫天孫謹識

巡撫貴州兼理湖北川東等處地方提督軍務都察院右副都御史臣楊雍建謹

題爲循例請帶筆帖式事切照各省督撫俱有滿州筆帖式以資翻譯微臣不識滿文而黔省正在用兵之際凡機密事情清字文移往來必多恐一員未足應用查廣東巡撫金儁廣西巡撫傅洪烈俱以用兵地方准用二員伏乞

皇上敕部照例准臣隨帶滿州筆帖式二員俟

命下之日或在部院衙門現任筆帖式或候補筆帖式或官學生內容臣訪擇二人咨部以便同往

伏祈

睿鑒施行

康熙十八年三月二十日題二十八日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹
題爲請

旨隨帶文職能員以整理巖疆事邇者湖南漸次恢
復賴

皇上威仁黔省蕩平指日可期臣奉

命撫黔若殘疆一復急切需人共事凡措辦軍需支
應驛站愛養百姓撫輯流移惟賴司道郡縣正
佐等官分職料理若臨事求才題請部銓竊恐
道里遙遠旣不免耽延時日又未必人地相宜

查近來用兵地方督撫諸臣俱有疏請隨帶人員之例况黔省久屬巖疆必藉長才始克勝任
伏乞

皇上俯俞准照各督撫疏請帶官之例其有才堪任使願効邊疆爲臣所素知者容臣列名咨部給照與臣同行俟黔地恢復之日量才補用具疏題報庶諸事不至廢弛而疆圉攸賴矣臣從地方起見伏乞

敕部迅覆施行

康熙十八年三月二十二日題

日奉

旨吏部議奏

日本書紀

卷之三

三

巡撫貴州兼理湖北川東等處地方提督軍務都察院右副都御史臣楊雍建謹

題爲請補臣標將備事切照臣標額設兵數現在

請

旨召募充伍然有兵則必設將領以專統轄所有兩營遊擊二員守備二員非素知堪用之人似難寄以心膂黔省正在用兵臣標將備例得自行遴選坐名題補就臣聞見所及有候推先用守備熊中蘊練達戎行著有勞績堪爲臣標左營中軍遊擊正白旗一等阿達哈哈番周之禮英

年銳志果毅有爲堪補臣標右營遊擊候補功
加守備吳嵩原任京營守備宣承昇皆技勇夙
擅堪補臣標下右營守備均請給札更有鑲黃
旗漢軍王有威佐領下七品官加一級楊國安
浙江壬子科武舉楊名彪願隨臣標効用伏乞
敕部議覆允臣帶往試其才畧遇相當員缺咨部題
補庶邊疆守禦得人可收臂指之效爲此密奏
康熙十八年三月二十日題本月二十三日奉
旨兵部議奏

巡撫貴州兼理湖北川東等處地方提督軍務都察院右副都御史臣楊雍建謹

題爲遵

旨開列人員職名事臣曾具有請

旨隨帶文職能員等事一疏吏部覆稱將賢能人員

准臣帶往應帶官員職名令臣開明具題奉

旨依議吏部密咨到臣欽此該臣看得軍興之地糧

餉孔亟新附之衆法令初張藩臬二官最爲緊

要必得才幹敏練之人始克勝任臣一時諮訪

未確伏乞

敕部議將貴州藩臬二司遴選能員不拘資俸速行
推補勒限赴黔庶無悞事今所應帶人員朱昌
緒等四十九員謹遵

旨開列職名具奏

命下之後隨臣同行俟黔省一復量才補用另疏題
報伏乞

敕部議覆施行

應帶人員職名開後

候補主事朱昌緒

正紅旗內閣撰文中書汪世印

鑲黃旗內閣中書劉茂溶

候補中書汪 燿

候補中書端象震

候補中書張弘傑

候補中書裴天錫

候補通判曾文通

候補州同楊 暄

候補州同黃允亮

鑲白旗候選州同白崇璽

候選州同趙崇哲

原任黃州府同知屠宏

候選卽用知縣胡德輔

候選先用知縣劉之彥

候選先用知縣汪贊

正紅旗候選先用知縣王治民

鑲藍旗候選先用知縣周邦

候選知縣顧梅

候選知縣張其琯

候選知縣龐上梓

候選知縣周會津

鑲紅旗刑部筆帖式加一級張建策

鑲黃旗通政司筆帖式加一級張可建

正紅旗候補鴻臚寺主簿鄒嘉璽

正紅旗候補七品筆帖式孫國輔

正白旗候補七品筆帖式祖光珮

鑲紅旗候補七品筆帖式晉顯卿

鑲紅旗候補七品筆帖式王宣猷

鑲紅旗候補八品筆帖式周 鏞

鑲藍旗候補八品筆帖式華 善

正白旗候補八品筆帖式羅在廷

正白旗候補筆帖式張國弼

正紅旗隨都統張 鼐

鑲白旗候補筆帖式蔣 琰

候選經歷王道弘

正紅旗候選縣丞楊國士

候選縣丞董儒龍

鑲紅旗候選縣丞王來瑞

原任上虞縣知縣耿宗墳

順天舉人沈一成

鑲紅旗佐領下監生張岐

山東濰縣監生胥琇

正黃旗佐領下監生李實秀

鑲藍旗佐領下監生李若滋

鑲藍旗佐領下監生周士

正紅旗佐領下監生金廷奎

鑲白旗佐領下監生張士岱

湖廣江陵縣監生胡忠論

康熙十八年三月二十日題奉

旨

巡撫貴州兼理湖北川東等處地方提督軍務都察院右副都御史臣楊雍建謹

題爲巖疆恢復在邇請募標兵以資并禦并懇預
借餉銀事臣本樗材荷蒙

皇上特恩畀以撫黔重任臣敢不竭盡駑駘以圖報
稱但黔省係巖疆要地苗民襍處一經恢復必
須鎮禦况

敕印重務長途跋涉非單騎可以前往查臣標左右
兩營額設馬步兵一千五百名必得技勇之人
始可以寔營伍而備臂指目今在都召募而應

者無幾容 臣沿途陸續募選俟募到後造冊咨
部現今有願隨 臣標効力壯丁八十名令其從
行但此輩皆赤貧之人未能枵腹荷戈所需鞍
馬甲械爲費不貲 臣叨沐

聖恩久玷清班與曾任督撫者不同一切器具皆須
創辦萬不能爲無米之炊伏乞

皇上垂念巖疆遠地俯准預借餉銀三千兩爲馬匹
器械諸費以利攸往如蒙

俞允卽于戶部支領俟到黔之後照數扣還至于所

募兵丁月糧及馬匹草料前途應作何支給相應一併

奏請伏乞

敕部迅覆施行

臣

從巖疆起見未敢擅便

康熙十八年三月二十二日題二十七日奉

旨該部議奏

巡撫貴州兼理湖北川東等處地方提督軍務都察院右副都御史臣楊雍建謹

奏爲恭報微臣抵荆日期仰祈

睿鑒事臣一介庸愚荷

皇上特恩簡任黔撫於本年五月二十八日

陛辭蒙

恩賜宴兼

錫鞍馬銀緞

天語諄摯寵賚逾涯臣敢不益勵駑駘以圖報稱於

萬一謹於六月初一日起行就道八月十三日